

ORDENANZA NUM. 405**PREZO PÚBLICO POLA PRESTACIÓN DOS SERVIZOS DA ESCOLA MUNICIPAL DE MÚSICA****ARTIGO 1º. FUNDAMENTO E NATUREZA**

De conformidade co previsto no artigo 41 do Real decreto legislativo 2/2004, de 5 de marzo, polo que se aproba o texto refundido da Lei reguladora das facendas locais, este Concello establece o prezo público pola prestación dos servizos da Escola Municipal de Música.

ARTIGO 2º. CONCEPTO

O prezo público regulado nesta ordenanza constitúe unha prestación patrimonial de carácter público que se satisfará polo alumnado que voluntariamente solicite a prestación dos servizos da Escola Municipal de Música.

ARTIGO 3º. OBRIGAS DE PAGAMENTO, BONIFICACIÓNS E EXENCIÓNS

1. Está obrigado ao pagamento de prezo público regulado nesta ordenanza o alumnado que solicite ou se beneficie da prestación de servizos ou de realización de actividades na Escola Municipal de Música.

2. O alumnado que sexa o terceiro ou posterior membro da unidade familiar que se matricula, verá reducido o pago do prezo público que se regula nesta ordenanza nun 50 %. Esta bonificación realizarase tomando como referencia a taxa máis alta.

3. O alumnado que pertenza a familias numerosas ou con ingresos anuais netos inferiores a 3.610 euros por membro da unidade familiar, terá dereito a unha redución do 25% na cota establecida para a prestación de servizos ou realización de actividades na Escola Municipal de Música.

4. Para obter os beneficios que se sinalan nos dous parágrafos anteriores, o alumnado deberá presentar a solicitude correspondente no momento de efectuar a matrícula, achegando a documentación acreditativa das circunstancias que se alegan:

- Libro de familia: copia compulsada das follas de todos os membros da unidade familiar.

- Certificado da Axencia Estatal de Administración Tributaria no que consten as rendas de todos os membros da unidade familiar.

5. As solicitudes deberán ser autorizadas pola Xunta de Goberno Local, á vista dos informes técnicos correspondentes e por proposta dos concelleiros delegados de Facenda e de Educación e Infraestructuras Urbanas.

6. O pagamento deste prezo público realizarase mediante domiciliación bancaria, fraccionado en tres trimestres, durante o curso escolar (novembro, febreiro e maio).

7. Estará exento do pagamento o alumnado que se matricule en estudos dun instrumento ou materia que sexa obxecto dunha campaña de promoción por parte da

escola, por tratarse dun instrumento ou materia das menos populares. A decisión da elección do instrumento será tomada pola xunta directiva da Escola en base a criterios coma os de promoción de unha nova agrupación, existencia de vacantes ou interese de promoción e posta en valor dunha determinada materia.

8. Estará tamén exento do pagamento o alumnado que no curso anterior teña un alto aproveitamento das clases desa mesma materia, previo informe do titor/a e da xefatura de estudos da Escola, e a unidade familiar conte cuns ingresos inferiores aos que se detallan no punto 3 deste mesmo artigo.

ARTIGO 4º. CONTÍA

BLOQUES	MATERIA	PREZO
A	FRAUTA TRAVESEIRA, CLARINETE, SAXOFÓN, FAGOT, TROMPA, TROMPETA, TROMBÓN, TUBA-BOMBARDINO, PERCUSIÓN, GAITA, PITO GALEGO, PIANO E OUTROS (clases compartidas)	200 €
B	CLASES INDIVIDUALIZADAS DE INSTRUMENTO (no caso de dispoñibilidade horaria, tanto de aulas coma de docentes, non menos de 1H individual)	400 €
C	MÚSICA E MOVEMENTO, FORMACIÓN BÁSICA, LINGUAXE MUSICAL, FORMACIÓN DE ADULTOS, IMPROVISACIÓN, INFORMÁTICA MUSICAL	150 €
D	BIG BAND, COMBOS, GRUPOS DE CLARINETES, GRUPO DE SAXOFÓNS, BANDA, BANDA INFANTIL, CORO MODERNO, GRUPO TRADICIONAL, CHARANGA, GRUPO DE PANDEIRETAS, CÍRCULO DE TAMBORES, GRUPO DE PERCUSIÓN TRADICIONAL, GRUPO DE METAIS GRAVES, AULA TÉCNICA BÁSICA METAIS GRAVE, GRUPO DIDÁCTICO DE PITO PASTORIL e OUTROS	100 €

O alumnado matriculado en dúas materias, unha de instrumento (bloque A ou B) e a outra do bloque C verán reducido o importe de pagamento anual deste último bloque C no 33,33 %.

Tamén poderá asistir de balde as materias do bloque D o alumnado que esté matriculado en calquera das asignaturas do bloque A ou B e alo menos nunha do bloque C (as 5 primeiras agrupacións e coa aceptación da persoa responsable e director da materia).

ARTIGO 5º. NORMAS DE XESTIÓN

1. A obriga de pagamento do prezo público nace no momento en que se inicia a prestación do servizo, entendéndose por tal a formalización da correspondente matrícula na oficina da Escola habilitada para tal efecto e o inicio oficial do curso escolar

2. O alumnado está obrigado a:

- Presentar a correspondente declaración nos impresos habilitados para tal efecto pola administración local.

- Fotocopia do DNI/NIE

- Certificado de conta bancaria no que figure o titular e o número de conta onde se desexa domiciliar o pagamento.

3. Unha vez devengado o recibo do trimestre, non se devolverá o importe se non se cursou a baixa:

Os usuarios que desistan da asistencia ás clases deberán comunicar este feito antes de rematar o trimestre anterior e darse de baixa co modelo de solicitude que existe na secretaría da Escola. De non ter cursado a baixa por escrito antes dos prazos abaixo indicados o recibo do trimestre vixente pasarase ao cobro.

Establécense os seguintes límites nas datas para cursar a baixa na Escola no trimestre en curso:

1º Trimestre: 15 de outubro

2º Trimestre: 15 de xaneiro

3º Trimestre: 1 de abril

Co cal as persoas matriculadas, asistan ou non as clases nun trimestre, que non efectúen as súas baixa antes de ditas datas terán a obriga de pagar o prezo do recibo dese trimestre.

ARTIGO 6º. NORMAS XERAIS

Consultar o RRI e o PEC da Escola Municipal de Música.

DISPOSICIÓN FINAL

A presente ordenanza entrará en vigor o día da súa publicación no Boletín Oficial da Provincia, comezará a aplicarse o 1 de xaneiro de 2017, e permanecerá en vigor ata a súa modificación ou derogación expresa⁴¹.

⁴¹ O texto da ordenanza transcrita, é o da súa redacción vixente, integrada coas modificacións aprobadas polo Concello Pleno mediante acordo de data 14 de novembro de 2016, para rexer a partir do 1 de xaneiro de 2017 (Boletín Oficial da Provincia de Lugo núm. 300 do 31/12/2016).